





馬石田文集卷第二

七言古詩

題惠崇畫

龍門千尺梧桐樹多在石崖懸絕處上有古巢生鳳凰  
鳳凰臺高山水長吳蚕八繭白雲絲畫史落筆光陸離  
江天萬里莫射鴈春草年年出湖岸

所過

張良廟前流水聲歌風臺下曉鷄鳴行人丹中寐復起  
此生亦欲成功名白髮可憐升斗祿持歸不足求田屋  
揮杯看劍獨長嘯萬里朝雲見晴木



題高德符山水圖

曹南山君畫山水幅綃咫尺千萬里古木樛枝障霧雨  
蒼石斷裂躡虎兕路幽應有仙人室樓閣恍惚雲氣入  
翰墨黯々絕丹碧芙蓉峯高觀海日

淮安路池山

淮浦蒲花秋渺々淮岸楊花春裊々白魚初下酒缸未  
十里風烟隔飛鳥吾生欲向淮安居更聞池山好田廬  
濯足滄浪箕踞坐不問朝家求聘車

湖北驛中偶成

江田稻花露始零浦中蓮子青復青楚船祠龍來買酒

十幅蒲帆上洞庭羅衣熏香錢滿篋身是揚州販鹽父  
明年載米入長安妻封縣君身有官

李後主圖

澤國中寒歲年晏沙嶼潮痕明石棧風吹半樹野梅發  
天上書來問春鴈江南後主丹鉛手畫盡水絲世無有  
宮中長書諫囊稀媚嫵吳娃雙進酒

寄鄉友

河邊老父念我出遠寄京華書一行謂言白髮今多少  
又報南園竹樹荒門前石田杭秫熟犢子新生走如鹿  
莫憂官家有俸錢長年作客身如束



送周南翁之官池陽

霏微桂葉結霧深集仙書殿秋沉  
九華山影墮酒酸  
便欲起拖青楓林青楓林高霜葉赤  
連雲鴈行急  
蜀麻吳鹽來往時閑坐城樓聽江笛

畫樹

寒槎偃寒風雨攻蟄龍嚙雲礮石根  
戰壘防秋鹿角柵  
長筏浮江下蜀門憶昔馳射古楚原  
夜觀野火燒楓林  
高堂醉酒看畫幅  
樛枝薜蘿牽我心

何仲博家棣華堂

我有破屋近烏巢水波春雲拂塘坳  
弟兄三年不得見

巖前石田漆竹梢眼前有此紫荆樹  
何時重過西州路  
欲瀉銀河下墨池畫滿華柱

將興化縣界

去年七月淮水發獨乘扁舟觀禹跡  
今年七月天又雨  
雖為南上聞嶺石  
暹陀歲時身老大  
瑣々苟祿慚莫述  
白巖山中抱孔祖  
會見青藜下天乙

再慶前韻

昔曰颯風秋更嚴山寒天暮見虎跡  
夜起繞床聽簷溜  
又憶雲中龍出石  
我行閩南王事急  
文字豈為年位述  
每嗟莫效燕飢  
誓從方士祠太乙



題明皇端箭圖

寧王玉笛吹鳳凰桐花秋露宮畫長開元天子忽思武  
手中金箭照眼光何物群婢出後房羽林孤兒射殺將  
坐中凜凜無漁陽

題趙承旨枯木竹石圖

猗歟太史諸王孫生綃盡出崑崙根枯槎菌蠢厄野火  
淇園秋雨琅玕繁天寒歲暮碣石館囊書日見玄雲翻  
持向故山茅屋底倚看屈曲大江奔

關題

客來散我床上書客去風吹忽成帙平生情思苦爰

莫喜坐嘯銷永日京都玉門可曳裾  
磬峰翠石相桺榆  
醉醒茶醜綠香滿誰能走馬汗揮珠

上京書懷

燕子泥融蘭葉短疊々荷錢水初滿  
人家時節近端陽  
繡袂羅衫雙佩光共笑江南五雜組  
盡鷓浮波供角黍  
沙苑射柳追風駒古來北地為名區

室婦嘆

南陌日長春已半天風猶寒室婦嘆  
咄哉室婦尔何為  
卉衣廩粟充凍饑飽暖無憂樂以嬉  
乃此屢嘆將有私  
室婦涕泗言復咽食鮮袂良焉足說  
近聞官家賑貧民



雄保諸州已損

一作損

瘠翁姑帶索行累人弱兒失爺夫

夫妻哀號村空野樹槁蔀屋見斗餓鼠啼縣令具名報  
大府星火符來應期聚索錢買餅飼公卒書券質田問  
鄰主報難憔悴不易狀誰實為之俾無養嗚呼吾人痛  
切膏忍死莫作盜賊徒君不見蒼鷹乳虎有司靡何但  
歲凶人化鬼

息齋風竹圖道士華山隱得之命予賦之

往年家住寶雷谷丹鷲之實義如粟玄雲翻空下深靚  
昆吾寶刀削秋玉石衣清錦侵書光風微移墮生細香  
淋館瑤臺九天近夜寒笙磬聲銷萬斛蒼烟鬱江雨

一妃彈瑟瀟湘浦邛筒蜀酒亦堪沽蟠石雙杖令誰  
河朔歲晏冰為梁犀木鱗斂臨雪霜遲汝狂飈莫吹裂  
截管他年侑帝觴

上京效李長吉

龍沙秋淺雲光薄畫羅宮衣侵曉著吳娃楚娘侍團扇  
象輿鳳輦明珠絡椒花染紫風雨香三十六盤天路長  
南都北都望行幸千秋萬歲迎君王

李夫人

未央天子香醪骨夫人不貯黃金屋水銅無光溢秋月  
留得當年舊蟻結珠臺夜佩聲闌珊沉雲叫鷹沙泉寒



二十五弦彈鳳凰玉釵小燕飛春山

祝丹陽祠武當

東窺禹穴西龍門捍虎豹兮觀魚龍中有武當神所宮  
捫摩光景憑雲風旁礪頰入厚地裂環視百鎮真叢  
丹陽道人紺髮古走馬北來致天語延祐天子聖明主  
萬歲千秋作風雨

蔡州妓趙氏墜崖以死自誓作詩諷俗

鱗々汝水冰碧光汝之左右百草芳紅蘭紫桂媚長晝  
釣鰲烏子回銀塘菱蒲無數菱葉小西家鞦韆屬年少  
燕泥霽雨風景耐簾箔依稀有歌笑趙氏女子邯鄲娼

練絲繡履踏春陽心思宛轉縈雲縷羞對兒郎唱鳳凰  
樂山嵯峨石生雨鄉人迎神奏歌舞婆々起向神祠前  
祝願生身事針組野風吹目雙淚零泉聲松韻相冷々  
誰言女子情愛癖誓死命輕如鳥翎烏翎飛上合歡樹  
開花夜々無愁苦秋香不斷相思浦玉釵斷股埋黃土

題織錦回文圖

桃葉渡江不用楫織女烏鵲填河白合歡樹下宜男草  
々色不及羅裙好織錦度曲聲亦柔黃龍塞是契丹州  
夫君成婦定何日樂府陳娘歌第一

題簡天碧畫山水



西江隱君簡天碧醉來盡水復盡石春山秋樹綠更紅  
木橋野屋橫且直烟雲翁鬱風雨交元氣淋漓障猶濕  
雪邊夜宿魚尾舫晴蓑曉掛牛角快岷關巫峽冬氣清  
猿啼鳥嘯天一尺老來看盡暇苦澁便擬買田溪水側  
脫去賜帶繫芒履著書五車刻苔壁

秋意

銀床墜露下高桐竹練含冰留麝籠蒲萄酒作碼碯紅  
湘娥江邊採芙蓉月華洗影天漢東素高淒清颺微風  
草根知秋有鳴蛩

寄家書

春雲閣雨花泥少池上波平飛白鳥薊中河外盡天涯  
蓮葉圓時身到家

五言律詩

春行南郊

絲樹連城合蒼藤入澗懸作橋分野路取竹縛溪船載  
酒誰留客看花我欲顛歌詩諧故老笑語屬神仙自鑿  
蒲萄井人開首著田樹櫻黃鳥弄窺藻白鷗翾狎坐欣  
時俊隨行喜妙年山陰知寂寞春服且雲烟

固始縣南岳行祠

往歲曾登此今朝又變來山禽鳴獨樹石壁漬荒苔水



淺沙痕亂天低屬影迴春風吹白髮有酒且銜杯

應制壽王少傅

皇極敷多福匡工保壽者禔身名愈茂伏老眷殊弥  
廣金無幾祁冥子更奇堯樽沾露醴齊服剪冰絲几杖  
隨身到冠巾與野宜珊瑚生海石琥珀出松脂西掖清  
光徧東朝寵渥私仁風初煦化日自遲宸詔徵歌  
曲仙音被樂詞乞言方有待莫去採靈芝

過文著作家

誰住街西屋文昌著作臣茶甌宜客靜書帙覺予親  
裁竹應棲鳳操觚定獲鱗青藜明夜半北極動星辰

贈王待制

雪樹明街越水漸合御溝物華迎節換淑景拂天浮長  
日書封事經年問酒籌已知花塢好借汝獨重游

翰林書佐社元義戲練堂

聖代文明日時賢事業初雍封邑屋秩表田廬孝  
友歸今杜風流藉後予無詩歌陟岵有賦叙閑居夏閣  
搖紈扇春船捕錦魚又尋倉氏米還寓翰林書追陸重  
懷橘非溫笑絕裾五雲誇地近三釜喜身如我亦陳情  
者誰云捧檄歟強來親筆硯不去荷犁鉏大母頭疏白  
諸嬰口聚鸞鷲中瑩入路河外野沉游一作車  
又作華蕪圃思傳



業天門聽唱臚終慚老菜子欲語復蓬蔭

送文著作往鄂州諭南使

大化均天施皇圖象岳寧宣風依日月發諱布雷霆  
靈巖分鎮鷓鴣蔚在廷芝莖照孔廟莫葉茂克庭珠木  
圓白樓桑箇青謳吟興隴畝游衍及郊垌楚俗那  
三戶滇童信六經已知含煦青嶺此仰儀刑使得皇華  
美歌應湛露聽賜衣裁錦段官醞應瑤餅上國崇懷朕  
熙朝尚德馨魚書開粉蠹鷄卜枉軺星鄂渚翔鸚鵡  
臺念眷鷓歸途回四牡楓樹失江汀

送王眉叟真人

秋暉上寒竹白鶴立蒼苔石洞松花落雲房澗水來  
彈琴翻道曲搗藥應猿哀別浦迴船急孤山看早梅

送人之陝省幕和韻

綬帶驚沙鶴紗巾逐海鷗驪山泉未冷華岳樹先秋  
路出汾陽里衣仍晏子裘風流蓮幕羨君豈歎淹留

伯長內翰與維學內翰聯句賦畫松詩清壯偉  
麗格體諸家祖常實不能及後塵也仍作詩美

之馬

吳縮冰然白秦封石髮青冰華浮鶴露載景蔽鶴星刻  
畫風雲狀雕鏤鳥獸形我詩鏗玉署集句燦珠經燁



舒光氣沉、逐香冥離歌三疊唱、既奏萬鏡聽、肅穆宮  
而位雍容樂舞庭、江花春艷、山竹雪亭、自笑如塵  
俗懷慚似酒醒、無回頭琥珀有去對鳩鵲

都城粟氏玩芳亭

歲序催人老、韶華逐酒濃、開尊應數、小閉戶豈重、花  
朶山猿折齋廚竹、筭供京塵衣不染、猶得媚春容

春寒

春寒犢子瘦、誰與念農耕地底、多生煖天邊、正要晴落  
梅、和雪暈、裂竹見風聲、為問催老鳥、如何得使名

送蘇子寧赴嶺北省幕

鷄塞鳴秋、拆龍沙、列夜營、賜衣俱魯、緇給餉、盡吳、梳野  
井冰生夏寒、天雪沒晴、藩垣資贊、畫幕府正知名

送劉侍儀祠祭北鎮暨無聞

名鎮坤維、左雄藩、碣石邊、宵明觀海日、春媚襖河川、塞  
道迷沙、積鄰亭、過玉田、驕驕、伶駟騎、襪襖費羊毡、亦有  
鮫人室、應無鮎戶、船山椒雲物、異天角斗樞、偏望美祠  
官貴時、清祀事、專祝禧、字感格、錫福待敷宣

謁告書懷

先子桐鄉地、年未憶舊游、山春花競、護沙晚水、閑流石  
屋青霞、夜藤床碧、樹秋防身龍具、在強欲問吳鉤



贈彈琴道士

苦竹到階深雲房豈易尋倚松聞磬韻對石振塵襟  
屬玄壇曲瓊冠紫殿陰仙翁嫌我俗不肯坐彈琴

用勅贈王繼學時祠禱天寶宮

玄關松桂深長晝客來尋撫石雲生手弄泉風滿襟鶴  
巢連屋角蝸迹上碑陰須信祠官羨烹茶更鼓琴

送董仁甫之西臺幕

西南萬里地詔屬太行臺秦樹浮天去巴江帶雪來山  
河無用險邦國正須才臺幕風流羨書籤想盡一作開

送周南翁待制

鷄曙辭宮漏鷗天趁客船帝書鴛紙瑩母侍板輿鮮林

壑烟霞古一作舊

松楸雨露偏儒臣文藻割隴表勒高阡

華清宮故基

開元人物盡茲地尚華清古道風塵急溫泉日夜生碑  
詞惟石薛宮樹有春鶯過客知王遠題詩不記名

靈州

乍入西河地歸心見夢餘蒲萄冷酒羨首翁趁田居少  
婦能騎馬高年未識書清朝重農谷稍心把犁鋤

宿遷縣

河伯朝宗日黃昏一作塵出岸高蛟龍分窟穴舟楫用波



濤使者備隄急田疇棄屋逃無錢誰買汝歲晚更嗷  
呂梁

天府河流北徐方高跡難青山開石硤白日看風湍星  
宿光芒合坤維脉絡蟠吳船牽百丈釀酒騎陰官

泗州塔

梵塔層層出雲間見象輪金光動淮水鐸語召川神負  
載坤多力莊嚴佛有回地陶千萬億穹石刻銘新

舟中

兼薄縈雲曲岡岫引霧深舟輕風燕疾衣薄水螢侵夜  
久江喧瀨秋清竹滿林閑情任飄泊到處欲登臨

徐州吊蘇眉山

城角黃樓壯蘇公骨已仙亂流無齒石宅土有居廬才  
大為時忌名高得世傳舟中卧讀賦臨水一垠然

挽饒國吳公

泣雨纏舟挽靈風攬素帷番君臨廟日饒國表阡時穹  
石鏡仙籙華編綴誅辭山原松漏月墓道櫟生芝諧世  
資清福全天樂壽耆孫聯書殿列兇侍竹宮祠執紼嗟  
何及居廬願莫私明王崇秩祀歛錫待敷施

送郭巨卿之南臺

臺府濤江外官清吏鞅稀印朱塗野霧研瀟清山霏列



鎮幽明入方州殿竅歸美君高步穩悔我棄荷衣

送王伯弘平章

衣職華蟲祭台增象緯明世須先教帛治理後章程所  
貴求儒効何勞得論衡退公無候吏飲介有諸生楓陸  
都俞密槐庭屬望請助新干畝藉謝絕五侯鯖跪傳專  
高節韋賢擅令名臣工商相重鄉國魯公榮汶水春疏  
疏一作流鮪徂松夏轉鶯來宜思舜慕去合體堯情尚醞隨飛  
騎宮衣滿賜羸曹裝應二丹趣莫擬種黃精

送侯廣彥秀才

淮水清無石君行去路賒分金知絕叔問字見侯芭雲

陽山遮路天高雨送霞士貧方傲世白髮豈多嗟

秦元卿家慶圖

天爵榮良貴皇家鈔頭封恩光依上國寵渥蔭華宗椿  
悅荆交艷萱妍桂競穠園亭春掩映桑野畝橫縱令子  
官薇省諸孤冑碑雍儒功誰表率善俗此儀容

辛良史披沙集詩

未可披沙揀黃金抵自多憇々今古意落々短長歌秋  
塞鳴霜鎧春房剪畫羅冷邊受餘髮蕭颯是陰何

海子橋二首

朝馬秋塵急天潢晚鏡舒影圓雲度鳥波靜藻依魚石



棧通星漢銀河落水渠無人洗寒露為我媚芙蓉  
南望蓬萊觀行人隔苑牆有時馴象浴不見狎鷗翔宮  
樹飄秋葉江船認石梁辟雍真可作擬賦獻文王

秋谷平章生日

上宰儒宗重中台位望隆承天抱塊北捧日照瞳  
瀛汾洛精靈合文華運會通鄭侯初亦一作北昂周翰降維嵩  
姬正逢陽復義車舍斗中眉毫齊紺髮仙骨炯方瞳寫  
鳳翔千仞貂蟬侍兩宮天池浮盡鶴公袞煥華蟲造命  
毗元化書思沃帝聰山河尊社稷禮樂賴臣工韓國著  
宣永高皇執施崇從來黃閣貴八屬紫芝翁檻竹況

翠蓮花灼灼紅道山藏畫象詞館轉詩筒洛下耆英感  
人間壽域同君王自養老何羨菊潭東

送李元章之陝縣元章曰官太常

周漢風流地郎官出宰年憂民思罄折去國想官疑作  
懸種樹連開古栽花近洛川莫嫌齋馬瘦春雨便行田

送符鎮撫之官

金符傳拜將白羽看麾軍吹角弓橫月開旗馬望雲  
家書盡讀新府令初聞油幕風流盛吾歸託隱君

題仇公度所藏先世家訓手澤

斗南人物論仇氏爾為先燁々文華在綿々世美傳庭



趙元猷較種養有圭田感慕吾親志臨書淡進泉

泉南孫氏園亭

鑿石通歸汝浮梁看浴暎鴨闌萍上甃鹿柵蘇生垣簷  
荀乘梳子篔簹長竹孫書香苦辟蠹席煖錦裁鴉交客  
登仙籍承家荷帝恩冰醜蜂蜜澗酒榼荔漿翻吹簫花  
圍屋彈琴鶴舞園海雲春有態閨雪夜無痕誰謂衣裳  
懶予今杖屨煩將鬢歌月地翹首望天門

贈里人別回寄祖義祖烈

萬里天南地逢君似到鄉欲同觀海嶼忽別上河梁楚  
樹思顛葉淮僧憶借航歸時報兄弟莫遺石田荒

再從浙入閩二首

江外淹留久那堪去復回水生客星瀨日出偃王臺  
電茶甌至筠籠橘顆來春雲又成雨着意落寒梅  
積雨關河濕今朝日始晴浮船下夜瀨覓酒近春城鷺  
鴨將雛出牛羊傍毋行獨憐無似客萬里又南征

送光州陳仲禮知州任滿北上

太守官仍責王畿路豈賒歌驪君獨喜執馬我興嗟  
髦士應朝請群公論汝嘉送行無酒榼歸去有書車魯望  
雲浮樹淮空雨新霞應來猶為稻鷺下獨憐沙宗器知  
瑚璉祥金未鑿鄒漢庭瀕賈誼楊宅失侯芭涉歷川塗



異游觀景物華秋風河漢側被髮泛靈槎

次元禮弟韻

白鶴愛苦竹婆娑正尔嘉田居門近水野飯醜炊霞自  
種千章木誰乘萬里槎小亭燒藥處依約是仙家

送人自淮南賣田還江陵

楚國方城外江陵漢水邊俊才多顯達高士亦留連濟  
濟夫君美栖々獨尔憐如何無紫橐尚此有紅蓮歸覓  
千頭橘行荒二頃田相逢還又別春水看浮船

謝紙

衣夏身無事煎茶被竹練官清還食祿俸厚欲收書

客談玄理達人問故居不因舒道士無紙寫楫欄

遊華嚴寺

化國日遙々招提獨往時鶴馴看梵磬猫定護齋糜貝  
葉翻經譯沙塲應制詩庭前雙樹好長夏得風吹

次韵繼學三首

金背層霄外銀瓶曲檻邊含香供國士持橐半神仙豈  
有遺塵手應無見麴池地清天似水席煖蜀如綿客送  
蒲萄酒人分苜蓿田書思趙豹省挾藻賦龍船時上京自大都

誰念鳴唐老為郎白首年

鷗塞西寧外龍沙北極邊有天皆入貢無地不生仙鵲



玉光含水鏡珠溫帶沁香清堪閉閣衣薄豈勝綿珥筆  
遊覽禁秋半占鶴田酒來揚子宅人上剡溪船自信扁  
章貴能歌擊壤年

丞相晨趨漏元戎夜扣邊碧鶴崇漢時丹藥監秦仙敢  
謂蒼頭選初逃虎口涎柳詞方濯錦雪賦已抽綿  
金為屋輝玉滿田客衣隨楚製鄉夢逐吳船所賴三  
階正鳩坳記有年

陪可用中議祠星於天寶宮

教命司諸席元辰集熊筵星君符介壽歲紀輯安疆炬  
焰天無夜熏焚樹有烟香如緹嶺上拜似竹宮前藥友

祥延世颺輪儼御仙日餘青熀接宿耀剡壇連象緯昭  
重潤齋明祝大年步虛垂珮響奠幣織文鮮誠感將馨  
祀神娛樂鼓淵蕃釐歸帝宵孚祐播農田

崇真宮西梨花

春日梨花下相逢把臂行香痕憐粉白酒暈惜紅輕影  
動簾穿燕聲來樹度鴛共當拚一醉莫待鬢華生

明日在羅中官園池次韻

帝里春光媚花前可獨行額黃團帶小眉綠畫痕輕蕩  
漿波浮鷁裁衣粉妬鶯却愁風信惡明日樹生陰

送可升法師祠武當山



華芝三曲蓋靈馭九龍車人喜仙官至誰云帝闕賒山  
神驅黑虎真侶耀朱蛇石髮松膏霧天衣雨織霞澗青  
春舞藻岩紫晝垂花醮席羅星斗賓筵競鼓笳乘槎過  
博望喫酒問栗巴竭澤無魚苦施達有兔宜熙々歸化  
域遲汝報重華

送楊仲禮江荆提舉儒學

江海雄南服衣冠重北門伏雲移振鷺船霧送翔鶴酒  
屢招人飲文多與客論名高依日月道大信乾坤官拜  
儒臺貴班聯會府尊齋厨還筍蕨賓所畫蘭蓀佐吏言  
猶雅公庭禮不煩過家懽上塚去國戀承恩田垌觀魚

子隣墟撫好孫光榮休負弩歌鼓樂鄉村

武當山道士贈行

山居鑿石極仙路接青城印字苔行鶴梭金樹度鶯飛  
光無礙景上壽有長生星斗何曾闇玄壇夜々明

購得之慶母壽十韻

壽域資皇極天樞夾泰階樂生黃髮益錫福白眉皆有  
母禕裁副日兒縷結綱高年方宴賜借老屢興懷承祀  
言供食延賓使責釵擊絲猶故物彤管賴吾儕蘭茁矜  
蘇枕花明藉鹿柴學書圖史備贊禮東修差不欲登堂  
拜誰令出旆諧歌詩陳善慶勒字擬磨崖



靈師山下過郝景文叅政墓

故相聲名遠荒阡松栢長地能終不夜天莫借飛光舊  
客驅車過新詩洒淚傷千年此山下樵牧禁牛羊

送史正翁經應之嘉興

京華春滿眼楚客榜船歸花送行衣舞鶯從上苑飛  
鱸隨俸入桑苧接田肥鈐閣文書少還知小吏稀

姚左司墨竹為賈仲章尚書賦十韻

江渚春生兩山楹夜宿雲籜鱗穿石錦節粉帶書法玄

玉昆刀削素絲并剪分魚竿方問野鳳管已相招一作君

莫作宣房捷還歌華澤文露零忻鶴警星度恐螢焚影

似風樓見舞如雪恍聞裁冠終有刺衣作屋更熱氣移柱

鸞魚史盤根識楚姑中郎揮墨汁宗伯侑鱸烹

許右丞難道士祈感應

紫闥光霽積素雲借黃冠策奏冷風至符飛皆雨紀帝

舟難繫寶未可寶利朝為祈年觀冰柯太乙壇嘉生

寶五福家瀨刺三益魚書還陰宅故龍謝夏官金穰粍

浩心粒食且持神享希香靈歸藉用蘭車輪非有

痛馬足忽生輪帝念愚心病民歌法能電祝祠期不繆

湘國寸心丹

誠夫太監祠海上諸神



上聖崇明祀元臣屬有文內香開寶經制幣出玄纒授  
高臨前殿傳醴聽後軍酒清黃木廟魚祭武彙君颺母  
應回兩天妃却下雲不勞風有隧猶願楚無氛漕粟瑯  
琊見還珠合浦聞穹蒼天缺濟溟渤氣細緼龍戶編魚  
賦鮫人織霧紋時祠光炯炯宣室語欣欣鵬運連壽  
報歸願異羣觀書曾拜洛歌賦不橫汾越水琉璃靜閨  
花茉莉熏伏波封莫請宵旰念華勛

次韻阿榮

日錄  
崇政

輦路青雲上居人杳霭間寺鐘聞下界車轍在高山倚  
馬才名世鳴鷄客過關黃陂隔淮浦歲晚約同閒

元禮弟寄和韻

野雲不肯出作雨漲山溪頗謂談捫虱何如學祝鷄  
蟻池通竹遠揅架度書低林熟秋田後應知酒自携

遣意

夢想蒼龍關盤桓汝水濱郡侯偏愛客秋雨更留人饌  
或嘗鱸膾搏空倒角巾羈愁不能遣爭柰二毛新

贊御書雪林二字為趙伯寧中丞作

聖主敷文化臺臣得寶書方負河洛出次舍日星居禹  
畫州圻古義文物象初克勳資負宸躋敬賴儲胥王錫  
非鑿帶天光豈器車傳家恩有渥訓德義無餘浩水



華繁亭、木本踈山輝曰玉潤雲氣是龍噓瑩爽才尤  
峻栽培力不虛明良須慶會動植樂舒徐春遇榮金匱  
謳歌媿石渠賤微叨下列瞻拜舞階除

張元傑祠龍虎武當

岌業芙蓉闕歲蕤翡翠幢祠官天北下仙屬日南降香  
雨沾春隴靈風鼓夜江神來乘馬四使至戴旗雙宣室  
還回鬼算疇却為邦玄君明月珮玉女白雲窓淑氣非  
烟縷祥光豈燭缸兩山通地脉萬竇響泉淙有樹皆生  
酒無苗不

龜蛇龍虎地蟠螭好為缸

求趙伯頭畫家山圖用唐李中韻

春鴈南來後家書一紙無山花應向日陂水計通湖  
持衣資絮生蚕薄藉蘆笠久宜拂白石強此伏青蒲琴客  
分抄譜仙翁許借壺園紅榴火煉沼綠芡盤鋪嵐氣飄  
簷隙烟光鬱座隅呼雲橫蟠螭問月看蟾蜍倚杖心何  
遠觀魚興不辜新開竹林迤邐乞寫成圖

倚綠園

殖產吾何取開林我獨能縛舡嘗取竹擣紙每移藤池  
曲波濤小花繁霧雨蒸春雲同礎潤秋月共江澄鳳下  
非回食魚來不可曾寫經還道士裹飯乞行僧筍屨新  
青折荷衣舊翠凝浮醅茶有乳溢甕酒無冰香地留文



篆書囊刺線綾清晨浪玉羅東坐日初升

贈蘆州黃孝子

我家淮水上孝義夙多聞  
邑屋封華表丘園聘束纁  
久嗟毛義檄更嘆董生文  
白石山中去吾將問隱君

雲巢道士

弱水不容舸仙山本負鰲  
坊偏朝斗柄材或伐蟠桃  
羅戶春絲密梁河夕煉高  
點金應有藥切玉豈無刀  
雨裏攀龍鬣風中拾鳳毛  
靈珠凝藥臼霞纈暈綃  
袍箕尾人能遇靈槎客  
每遭隔塵勞夢想斥鷃在蓬蒿

出都

長城懷古處身在日華東  
水出靈龍塞山連碣石宮  
沙鷗終自白霜樹忽然紅  
雲海鴻濛氣歸颿香靄中

項子虛鍊師歸舊隱

黃石書難遇青精飯易逢  
山中霞盡碧海上日偏紅  
舊種三珠樹新栽五粒松  
大年能駐景上藥可還童  
塵隔悲浮世仙成剃化工  
龍采寧有穴鶴放更無籠  
衣製波紋縠琴備火爆桐  
綠章飛洞府藥笈奏神宮  
默龜潛息憺蟻闔聰鍊形  
吾體惡回爾問崆峒

題惠崇畫樹林

瀟生秋響平林漏曙光  
蜀榼陰干畝閩荔熟千房不



聽燕夫伐無勞匠石傷靈槩上天漢全棟架明堂黯  
雲垂幔霖々雨濕墻鴈奴呼伴審鳩婦擇棲詳路遠逢  
仙宅天低近帝鄉春行苔履滑夕坐筠書香東絹刀誰  
剪西園價爾償懸車清渭後白髮洒蒼涼

虞伯生學士畫象

韋相傳經業揚門世講官箕裘君自得文字我知難汲  
冢朱塗誤秦灰墨補殘黃流凝玉瓊僊露滴金盤不肯  
投漫刺偏宜戴小冠近林聽竹雨臨澗看風湍詔入蒲  
輪軟訶歸釣石團青山連石園白日照長安擬卜龜呈  
地將書鶴借翰風流圖畫裏方自見神完

登兩花臺

積翠生層巘凝光浴巨濤吳城花覆井楚舸竹栽篙地  
近魚龍逼天空鶴鶴高野橋皆蝶竦溪水盡蒲萄雨石  
逢芝箭風林得鳳毛臙脂兒女小菴畫鬼神饜六代都  
街壁三山尚戴鬘故宮猶荏苒古樹漫周遭仙洞歌瑤  
草人家宴碧桃飯香非接浙酒好不翦糟綠霧春連閣  
丹霞曉映袍攀躋忻境勝跋涉憚人勞老我才還劣清  
資媿重叨採詩今有使問俗似無曹佳麗千年寂聲名  
一世豪歲時休憚日携手可遊遨

南野



南野新亭好城坳築小丘飄花如迷一作虎落一作過水  
識龍舟朝士尋山到隣翁載酒游五雲天快濟書帙瑞  
光浮

紫芝不用事

霞纈盤華盖天葩擢喬雲孕靈非有種挾藻忽成文冠  
蠹仙裁羽纓垂女製裙原田多衆草獨尔擅細緼

贈楊洞天道人

我自不入俗君今又欲仙鳥啼百花裏屋住萬山邊密  
樹雲難過空潭月易圓題詩秋卷了為說小行年

五言九首

太行東北去形勢自天分一葦航吳越千車輓朔雲衣  
冠今復盛豪傑古猶聞欲獻三都賦茫然愧不聞  
不作還山夢因吟李杜詩平生無飽飯抵死只憂時事  
實兼唐史風流揖楚辭山川舊遊處千載有餘悲  
王子不耐俗還山應恐遲挑燈同此夜把臂憶當時愛  
我常懸榻達人只語詩買田今已訣莫負耦耕期  
好去春山路騎驢看盡中徇徻紫芝客憔悴鹿皮翁得  
酒寧辭醉達人莫語窮乾坤皆古意人自不相同  
御史青驄馬詞臣白玉堂有才皆展驥此老尚亡羊雲  
海迷舟路天風失鴈行不須愁白髮正欲媚幽光



古意在眉宇新詩應口我無錢賒酒得有屋喜人過宇  
宙千年事功夕一曲歌執鞭吾亦可稅駕欲如何  
聞道光山縣城南十里賒人家依翠竹野水亂梅花應  
有仙燒藥寧無客艤槎行當問田畝結屋貯烟霞  
栽竹復栽花居然處士家有田供白飯無句詠青霞春  
雨浮鄰甕秋船繫樹槎漁樵相見熟來聽讀南華  
又是蒺藜秋浮槎繫旅輶古城空石堞平野半沙丘自  
笑滄洲客還期汗漫遊明朝入衛國淇上買扁舟

題張良卿御史乃翁萬戶死邊詩卷

莫恨將軍死將軍死是身子今替獬豸國擬畫麒麟銅

往謦名舊燕然記刻新叢祠寄江右百世衛邦人

春思調王脩撰袁待制二首

翰林王學士宅裏好花開白紵裁春服青錢喚酒杯終  
知老子興嘗望義人來笑我如椎鈍敲門一百迴  
京國春風軟名園花信來只愁添酒價還恐負詩才繡  
袂鞦韆下銀鞍驪裏回詞臣應自貴深院閉莓苔

再用韻奉繼學二首

脩撰官清切高齋不易開青鳧憎綠幘黑瀋覆瓊杯日  
日裁書出年々賜錦來最憐山簡拙惟有習池迴  
山東豪俠客走馬兩京來芹藻流清譽絲綸藉義才但



能鈴索靜還使酒船回夢想庭前鶴竒蹤篆紫苔

次韻咏石

老石何年有依稀滿路旁無人愁飲羽有客坐亡羊戒  
世能言晉傳書豈姓黃補天成五色何獨柱明堂

北行

山轉疑無路溪深似有雲衣裳沾沆瀣鞍馬入氲氳岩  
樹花凝畫崖藤蔓駐曠佛宮金匝帳屋錦文塵坐  
車爭出霞舒騎亂分烟中聽犬吠天畔見人耘草檄期  
誅泚歌詩擬吊黃家收棗栗處種榆粉枕有仙人  
記琴無山鬼聞時巡勞聖主靈會召神君象脉流釵股

松身鏤縷紋團團象跡盡立馳群龍虎盤南石龜  
貅鎮北軍井蓋仍晶馬酒亦醺越貢珠璣錯夷珠  
翠羽紛弓旌微隱逸斧鉞賜功勳俗已多羊酪民還賤  
承積兩餘雷苗長秋入地耕芬井邑聯山海倉箱溢隴  
汭白鷹隨雪鷹黃巢掘田魁太祖初飛御中原正溺焚  
劍光明塞道箭影落審氛聖廟開元極天聲震大警轅  
門方納禹圖鏡又收負降主來御璧奔君自束緼只今  
修枸萇何但去鞬轡公子衣縫掖王妃曳練裙期綿堯  
曆祚物阜舜風薰學士工鐫刻成均載典墳小臣難頌  
德祇合採書芸



送同年趙維清尹安陸

席帽文場裏，于今十七年。  
白眉俱滿鏡，墨綬獨行田。  
鷄翼知吾刺，鳶樓覺汝賢。  
高才多晚達，未可嘆迍邅。

寄舒真人

金闕來華蓋，琳壇集羽衣。  
石田鍾乳膩，松為茯苓肥。  
劑墨香翻杵，修琴玉布徽。  
天低臨象緯，日近逼光輝。  
竹裏開長迳，池邊敞小扉。  
紅迷霞綺錯，綠漲水環圍。  
仙杏葩凝赤，蟠桃萼剪非。  
龍來還獨宿，鶴去更知歸。  
割蜜蜂先避，銜書鳳自飛。  
祠雷陳古磬，符鬼掣靈旂。  
丹井泉偏冽，銅盤露未晞。  
俗人那得識，詩客盡相依。  
伊我逢休澣，從茲

蕪綠浴沂，憑師消鄙吝，猶可採山薇。

送華山隱之宏陽宮

江間魚龍近，山房霧雨多。  
地清天不暑，池曲水無波。  
筍籜迎書帶，櫻桃送錦窠。  
呦呦呼鹿，嗚嗚換經鵝。  
養素行編屨，乘閑坐織蓑。  
幾篇食玉法，一罍醮星科。  
香炷沉銀葉，未堪佩紫荷。  
丹光留海月，絳景出松蘿。  
醉憶泉浮乳，幽憐石爛柯。  
神君攀綠桂，天女踏青莎。  
邀客登山頂，尋真入澗阿。  
洞簫吹道曲，雲紙寫魚歌。  
予髮今如此，君心可柰何。  
高壇見明月，為我問婆羅。

石田山居八首



甲子人愁雨河田麥已丹歲凶捐瘠衆天遠禱祠難賈  
客還沽酒王孫自飽飧更憐黧面黑征戍出秦虜  
積雨衣裳濕愁人是麥田泥將深沒馬霧欲墮飛爲糞  
火勞薪盡家居老屋穿墻根雜蛙蚓擬買紫羅船  
光山楓製錦潢浦荻飛綿林熟何論酒魚來不計錢卜  
鄰多野老求藥有神仙爲客留羹筍清晨步石田

四月淮天雨清林蔭碧池筍香隣鳧酒禽響一作客憲  
棋田鼓春迎社鄉巫夜賽祠漸知飄泊久自覺是農師  
無麥夫何極吾憂隴畝空豈能驅盜賊得及恐鬻兒董荼  
蓼充腸熟糖蘇救口窮無端縣小吏名役到疲癯

作客何多意淮南即是家自牽蘿屋小不正葛巾斜書  
懶眠尤熟詩來酒更賒春天雲嫵媚相對坐鷗沙  
竟日無賓主山房一翁竹光浮畫碧花藥颺春紅田

父分鷄一作隣僧乞鷄籠時行觀杖屨未覺坐書空  
淮南窮僻地先世有林廬花曙鳴山鳥芹春躍岸魚鼓  
琴仙度曲種杏客傳書朋舊如相覓休噴禮法踈

即中蘇公哀挽

墓門爲仲泣秋草九原深身世書盈屋鄉園樹滿林故  
人多執紼今子早冠簪曾作陽關曲今成薤露吟

古城熱翁壽考



高年開八表治世過千祺  
護郁蘭當砌葳蕤菊滿籬  
子能知負米孫更喜含飴  
但願雍熙內吾民盡老春  
一作

馬石田文集卷第二

馬石田文集卷第三


七言律詩

用樂天韻因效其題詠閑意

綠絲車響雨來稀  
看畫圖中住翠微  
村北村南桑扈叫  
家前家後竹鷄飛  
青憐藤蔦春牽屋  
綠愛荷盤夏剪衣  
更憶江天家萬里  
行逢僧子借船歸

寄王繼學待制

奎文爛熳紀樞旁  
一代詞臣屬馬揚  
天碧綾浮鸞詔濕  
水蒼玉動鶴袍光  
倚桐竹殿絳靈幣  
奏對楓宸拜帝觴  
蒼生志學華才更遠  
如何三十不為郎





壽郡大參

退傳歸來夏尚青  
角巾閑對老人星  
鳳凰池上緯松閣  
鷓鴣洲邊買竹亭  
留客只談三里霧  
見人不問五侯鯖  
漸無別邗為公壽  
他日淮南種茯苓

和張孝清司農喜雪二首

剡船乘興便閑來  
不問樽罍幾日開  
春水起時寒欲盡  
梅花多處氣先催  
天街綽約清光遍  
雲幌依稀舞影迴  
已是豐年調玉燭  
京華倦客豈做哉

萬木鱗皴凍欲驚  
曉雲一色望中迷  
紛披紈素拈花樹  
點綴珠璣布稻畦  
沙嶼有聲鳴夜鶴  
冰溪無影照山鷄

蓬山仙客多清興  
閑日題詩對紫泥

寄隱士

林下蕭然一病身  
可憐家計若為親  
葛花藤葉供山貢  
菰米蓮房給水珍  
鶴子見貧能代僕  
犬見知主會憎人  
清朝日下弓旌出  
誰說巢由不肯臣

送趙敬甫侍御赴江西鎮

南昌會府盛才猷  
駟馬辭天又此遊  
二十八州當左轄  
幾千百里望前旒  
江明旌節文魚躍  
秋入水棠畫鷁浮  
若見昔年徐孺子  
急須下榻問名流

寄吳真人二首



彈琴峽北翠華遊  
仙子翻衣御綉日  
觀占雲素顏氣  
星壇回斗酌河流  
菊花香晚思三楚  
桂子秋高下十洲  
應憶南都舊  
狂客青田歸鶴作書郵  
竹宮日近鳳凰遊  
龍輅秋清白玉麟  
羽服侍嚴天帝子  
鵝冠書讀道家流  
雲高塞嶺松生石  
霜入江鄉橘滿洲  
仙客通靈塵慮盡  
南風日日作詩郵

寄王繼學

天北剛風去馬輕  
葛巾清景駐瑤京  
裁書綠筆柳雲爛  
照字青藜子夜明  
簷鵲聲乾人問訊  
騎鳧飛慣客驚迎  
靈槎八月應南下  
夜聽銀河有浪聲

奉和與屯都事秋懷

靈河七夕巧雲稠  
墜露聲清夜得秋  
月冷桂花飄左界  
山寒一作深荔子落東甌  
人憐紈綺裁衣袂  
誰借蒲葵剪扇頭  
竹影近窓砧杵急  
夢隨南客問行舟

九日在告

青山到屋三十里  
瘦馬不能閑一過  
欲趁重陽浮菊蕊  
轉愁落葉下岩阿  
南鴻帶雨秋飛急  
北谷來霜夜杵多  
病裏題詩遣野興  
何人携酒與高歌

送侍御之南臺

雲蕊天然拂曙橋  
鍾陵松檜識南朝  
臨書應憶晨趨漏



把酒何妨夜聽潮。官羨當年裁錦繡。時清今日奏箏韶。  
佇觀名對通明殿。別擬題詩寄使輶。

送王眉叟真人還錢塘

濤江秋半潮頭起。來鶴亭高瞰雪堆。白氎仙衣分鷲羽。  
綠華洞府乞松栽。閑留長日人間住。獨伴飛雲海上迴。  
何事而今東去疾。孤山十月早梅開。

題若容

擊劍酣歌白日迷。高情邀見天倪。石潭藻舞魚深泳。  
菴嶼春明鳥自啼。架上道書研宇宙。篋中衣帶剪虹霓。  
洞房清晝奩香轉。坐聽東街馬過泥。

雙頭菊

金屈卮邊醉袖垂。秋雲如暈貯仙姿。寒生小曆迴鶯動。  
香入流蘇睡鴨移。絃綫巧承西顧曲。落鈿羞帶月支眉。  
青霜為我催樵悴。銀屋何人怨別離。

壽故相秋谷

鄴侯書帙滿高堂。韓圃封圻啟故鄉。鳩杖倚雲吟雪岫。  
鳳笙吹玉薦霞觴。人間宰相青霄近。天上神仙白髮長。  
豈獨壽星明子夜。春風峯蔚長琳琅。

壽閑心真人和吳養浩博士韻

太乙壇高夜氣寒。三芝八桂影闌干。寶雲臺獸青金鼎。



素靄凝冰白玉冠竹雪珊。永步響松花拂。落衣軋  
高真御氣仙官應南極星騎五色鸞

壽中丞公

石室巾箱爛卿雲芝庭旌節照秦軍三珠樹茂仙官應  
二葉棠生壽膺間皎。素心凝北雪乘。白髮濯南薰  
太微光氣明如水坐見臺鳥集夜分

送道士趙靈一祠海岳

三珠樹影滿雲間萬里南天去鶴閑弱水浮舟求玉磬  
玄都結襪繫瑤環吹蕭谷。雲遮路貫酒江邊月動山  
仙子無心問塵俗手中空握五芝還

送忽都達兒著作祠岳瀆戊午狀元

日長東觀著書清絳薦龍香為帝擎山。發靄銀甕出  
河宮迎節為圓明行觀諫俗期星使歸奏蕃釐拜月卿  
千里楚鄉乘傳去關人應識素縑生

和張蓬山司農韻

蓬山高對石淙莊水磴飛輪日濺霜后殺官清芝檢濕  
杜陵天近竹練涼題詩獨喜輕紈素書笏重須奉楮黃  
下容楊稚負嗜酒只今先有碧筒觴

和繼學郎中送友歸越中

薊門東望海無波誰許山人問薜蘿淮舫春聲留水鶯



鶴袍秋影動天鸞  
鑑湖草滿芙蓉少  
鄞縣水一作潮來壯  
蟻多羞見京塵  
遮帽頂羊裘  
欲換漁蓑

贈劉時中

江海歸來氣尚豪  
立談便合擁旌旄  
青衿令子箕裘美  
白髮賢妻井臼勞  
才大豈能期世用  
數奇還不救名高  
公卿知己吹噓易  
笑我官曹似馬曹

挽何得之先生

手織烏紗日賣錢  
全家閑住五雲邊  
伏生有女書室在  
伯道無兒世共憐  
埽市行歌花爛熳  
西亭坐嘯月嬋娟  
少微光氣今年闇  
知是詩隨過海船

應制壽趙國公

聖德如天念老臣  
詞林奉詔製詩新  
龜齡何籍依潭菊  
鶴髮偏宜對雪筠  
八蜡節迎千室飲  
三公官貴一身貧  
角巾野服林亭下  
正是耆英社裏人

過錢塘

老翁八十能鉏豆  
記得江南亡國時  
騎將臨邊方棄甲  
孱王入海却張旗  
過秦才子方頭白  
辭漢仙人豈淚垂  
東觀史臣班馬行  
乞書今古作元龜

錢塘潮

石橋西畔竹棚斜  
閣日浮舟閣歲華  
金鑿懸崖開佛國



玉分飛瀑過人家風杉鶴下春鳴埕雨樹猿啼暝蹋花  
欲賃芟田來此住東南更望赤城霞

追和許渾游溪夜田韻

溪水連雲過竹間溪聲雲影半潺湲鶴來近屋童看熟  
鷺下長松客對閑直持月痕侵石塢還期烟色認柴關  
人生豈獨官為貴好向君王乞越山

書事

伏蒲論事屢違訶白髮而今更柰何好去仙山尋種杏  
敢期帝里要鳴珂囊中舊笏書青竹篋裡新袍稱紫荷  
百畝湖田三畝宅南天春雨白鷗多

蓋善長御史泗濱堂

泗水十年碧似藍泗濱華屋締樓栴人從魯北耕春雨  
山自傳德憐夕嵐方印只今垂組紐長繫猶獨近書龕  
天遣倦客滄洲遠卷裏題詩興未堪

奉和新除袁侍講見寄

周京宴鶴漢汾河蓬繪何須丙穴槎東觀橫經環壁水  
承明寓直賦卷阿人間玉價連城少天上文奎左界多  
長日相思南望切義車休怕魯陽戈

賦王叔能宅芍藥

驚粉分奩艷有光天工巧製殿春陽霞繒襲積雲千疊



寶盃脂凝蜜半香並蒂當階盤綵帶金苞向日剖珠囊  
詩人莫詠揚州紫便與花王可頡頏

用繼學郎中韻再賦

花入簾櫳草映裙春雕紅玉百粵分重艷暈寒浮露  
拂人穠芳暖撲雲東燭客來追貴主結禰人去嫁夫君  
韶華未逐東風老薇省題詩酒半醺

上京翰苑書懷三首

沙草山低叫白翎松林春雨樹青  
土房通火為長炕  
檀屋疏涼啟小櫺六月椒香駝貢乳九袂雷隱菌收釘  
誰知重見鰲峯客緬臨風鬢已星

門外春橋漲綠波因尋紅藥過南坡已知積水皆為海  
不信疏星又隔河酒市杯陳金錯落人家冠簇翠盤陀  
薰風到面無蒸暑去鳥長雲來客何

萬里雲沙碣石西高樓一望夕陽低谷量深一作牛馬烟

霞錯天險山河海岱齊貢篚銀貂金作藉官窰磁盞玉  
為泥未央殿下長生樹還許尋巢彩鳳栖

自和星字韻

天路扶搖上鳳翎龍岡初雨佛螺青不須李實沉冰井  
却愛花陰轉月梳靈府納珠珠度緇精藍浮屋木攢釘  
要知聖世求賢急夜人官占處士星



九十三歲老人康寧居宣德府

我無麴蘖為春酒翁得期願作壽棚鳩杖賜來堪佚老  
鵜梁辭去不同外五原白磧秋迷樹一曲黃河夜合冰  
古有乙言今可特道遙全福見玄曾

送胡長史之刑憲

刑水秋濤溢尾閭外臺清政自涵靈七州課最求儒効  
一府分曹責吏書冰蘖以知諧素履風霜茲復見廉車  
春坊記我曾聯屬懸喜迎親侍板輿

送史顯甫之南臺

江東宛在國門南臺府治書即坐談十道廉車彈鬼域

百城公積閭楸高名不倩官為貴雅士方知俗可慙  
使節賜環君莫厭侍臣催入待傳柑

次韻王參議寄上京胡安常諸公四首

冰盤珍果進紅消九部新聲擬奏韶洛宅土中諸國會  
甘泉天近從臣朝仙官鳧至應飛馬廉吏珠還豈織綃  
早晚秋河烏鵲度彩霓千丈不須橋

石甃冰澌古不消廣寒張樂喜聞韶五防戡馬春旗合  
百隊回龍曉仗朝闈闔門高永藻并番禹縣遠貢鮫綃  
年々載筆陪京道題住相如又過橋

步輦晨移紫殿陰龍光天表影浮沉謀臣白首求儒効



宰屬丹衷體聖心池上鳳凰當閣早洲邊鸚鵡浴江深  
太平化日長如歲賜酒頻來豈抱琴  
省中溫樹畫陰、郎署熏衣盡麝沉星近紫垣明上界  
日行黃道對天心和鸞秋駕車塵靜佩玉朝鳴漏水深  
好乞龍門灘上石種桐千尺斷為琴

次韻宗顯夫

東觀著書閑日少還能信馬御溝行翠華閣迥天雲近  
海子橋長石棧平冰泮水深船對屋日遲春早樹迷城  
芳年似酒何人問盡屬而今坦率生

次韻王編修送彭道士南歸

故山松老鶴知年歸寓丹經帶藜鉉鍊杏春林派水碧  
步靈秋館佩山玄石鞞海上無精衛花發江南有杜鵑  
一曲鑑湖何處覓我今騎馬似乘船

送杜時可提舉儒學

成都萬里不可到見君西去動我情百鷓夜啼巴樹遠  
雙鳧秋浴滄江清學官米廩出色屋弟子書笈過金甌  
三十儒冠桑梓國猶記太常韶濩聲

贈陳玉林道士

學士書名御榻前先生歸卧大江邊飛龍亭在山還好  
伏虎丹成鼎不穿萬頃玉林烟滿地九重金闕日升天



聖君若許秦淮去擬借雲房宿一年

貢院憶繼學治書

棘闌粉署隔重牆校藝分官屬正郎五夜風簾燒蠟燭  
九天冰樹削龍香周旋接武尚書履供帳留茵御史床  
臚唱闈門春色曙侍臣應奏慶雲章

治書寵和誤用光字仍再次韻二首

金吾魚鑰限南牆襍被淹旬借直郎燈轉九枝回晝景  
筆題雙榜奪春光番馬珠璣無樹勾漏丹砂信有床  
明日大廷親策試昭回雲漢見天章  
春巷門深薛荔墻日輪修桂情吳郎入簾縹緲浮簪影

出院紅筵映酒光駿馬百金還買骨靈龜五總不支床  
治書臺上風霜剝回首文場賦和章

治書再和復次韻

西南春巷杏花牆索米長安漢戟郎市裏忽聞鷄吐綵  
海邊還報鳥含香月移桂樹通階石芝發銅池謝井床  
儵直閣門休沐夕新詩刻燭賦千章

貢仲章待制寵和次韻

宮雲光彩度椒墻待制官高不是郎夕拜日外龍尾道  
朝回天賜馬人一作香薰憑几負談經席阮籍唯知近  
酒床春巷杏花關未通門前欣得碧霞章



高彦敬黃州雲山圖

雲山萬疊江南岸江址高樓眺望時晴靄蔽野橋過市  
夕霏蒼蔚樹連枝行人不帶遮塵帽遊客嘗携注酒卮  
我有故園淮水上竹岡相接到黃陂

濟南張老人

張翁八十髮青々閑愛湖光瀉醪醑不賣道邊居士履  
還隨天上老人星花濃蜜露鶯調舌石戴車雲鶴養翎  
我欲東遊華表柱古書重向伏生聽

畫古木

葉空河上生賢相楓老山中化羽人未借九闕當地軸

遠曾八月上天津雷燒桐尾琴材古玉刻龍形劍具新  
雨蝕蒼皮苔護石泉春玉乳月翻輪東堤揚柳春烟暖  
西浦芙蓉曉露勻偃蹇孤根岩壑氣我知械撲不為薪

繆郎中雪谷早行圖

十里寒林葉盡凋谷中深雪客行遙留連獻賦游梁苑  
辛苦哦詩過灞橋竹裂若聞金石奏山空不聽斧斤樵  
未央殿前水花滿郎吏催班已趁朝

東平慈母

高堂慈母畫垂簾花憑青春不拂簾雨濕階蘭紅燦燦  
烟浮墳草碧纖纖見翻荷編紫書帙女染新絲刺鏡奩



過客莫題華表柱聖鄉仁俗盛閭閻

鄆陵別南客

稜層林表白浮園古鄆城高客望孤秋雨喜沾梁土  
暝烟愁合楚田無行入北上隨沙鷗歸客南還對渚  
鳧  
溱洧波清多草樹百年生聚尚繩樞

坐曹

太平文物屬儀曹長日弄簾手板操望裏鳶栖知省樹  
坐中鯨掣得宮袍舍人革制春朝急郎吏分祠夜拜勞  
禮樂南宮官獨美尚書詩句詠蒲萄

盤居李氏

京塵弊盡洛生貂高隱盤居獨寂寥李愿固知周士貴  
黃公還愛漢家招山中白石饑來煮鱸裏丹砂靜後燒  
夜讀五經同異處更嫌秋樹響風飄一作

寄弘長老雲山

曙雨初生蟬螻橋梵山吟嘒不移朝曹分禪榻春盤磚  
更想雲山夜寂寥寒蠶紙頭詩尋伴少那筒沽酒入城遙  
佛龕千丈金銀界照世酥燈弟子燒

贈醫士簡秋碧

華陽茅主送黃精太岳秦松與茯苓上藥相時登壽域  
良醫名世即仙靈教人攝氣如龜息笑我胖身豈鶴形



昔一作若惜刀圭明月合浮生都可享遐齡

送西臺治書張孝錫

閑符先通漢祠州鄉國淹遲父老留黃竹有歌天子聖  
青蒲無伏諫臣憂黃河夜落魚龍上華岳天低草樹浮  
萬里西南觀點陟廳前涇渭已分流

送史秉文祠岳瀆還家

驛吏候官江漢晚皇華星使賜袍光金明繅藉得神玉  
鈿合文奩出內香非絡坤維山國壯朝宗南紀海天長  
過家下馬歌桑梓却笑相如負弩鄉

龍虎臺應制

龍虎臺高秋意多翠華來日似鸞坡天將山海為城整  
人倚雲霞作綺羅周穆故慚黃竹賦漢高堂奏大風歌  
兩京巡省非行幸要使蒼生樂至和

徽政院公退

早春天氣半晴陰坐隔宮牆望上林御水有波皆浴鳳  
官橋無柳不拖金相風竿直青雲近并幹樓高綠霧深  
朝路著輝塵更合五方調馬出駸

贈壺洲道士

青田山中養仙鶴不去人間作小官夜拜竹宮穿紫氎  
宸飛鳧駕上玄壇蕊珠簾結杪樺子金粟新生沆瀣盤



我有滄洲仍不遠小山桂樹正圓

送安慶路教王中夫

南國烟花一萬重  
船浮春水正溶溶  
舒州城壯山偏護  
博士官清印自封  
夜誦挑燈吟蟋蟀  
秋行携酒採芙蓉  
仙人李白今應在  
問訊時時過宿松

送蘇州卜者

幾歲京華賃屋居  
得官猶苦食無魚  
成都誰問君平卜  
江左人知郭璞書  
春水浮空波緩緩  
秋機織字錦舒舒  
虎丘剩飲千鍾酒  
醉裏高歌唱闔閩

送胡古愚歸東陽二首

籍中一世豪  
瑤池三度食蟠桃  
小移夜雨紅蘭葉  
旋剪春風白紵袍  
供奉冰銜從古貴  
東陽酒價近來高  
行臺若見王公子  
道我官曹似馬曹  
江東廉使王繼學也  
沈約才清不素秋  
歸艤南去漫夷猶  
還家少拂雙鴛被  
到闕重脩五鳳樓  
袍色映江紫錦里  
詩聲傳紙快書郵  
蘭溪畫燭非蓮炬  
春早來棧十二旒

奉陪薦食英宗神御殿用繼學韻

素石松陰偃翠虬  
先皇曾此駐龍輅  
茂陵弓劍隨天御  
原廟衣冠奉月游  
藉玉已行周制度  
耐金不罰漢諸侯  
百層水陸脩菹醢  
望拜孤臣涕莫收



題道士山水畫

江翻墨瀟瀟水絲白日沉  
暝藹安鶴影照雲星度竹  
猿聲裂石澗流漸千林  
雨暗歸人急萬里天長去鳥遲  
咫尺東南山水國仙翁曾約種靈芝

送客歸揚州

揚子江頭水拍天人家種柳住江邊  
吳娃蕩槳潮生浦楚客吹簫月滿船  
錦纜憶曾遊此地瓊花開不似當年  
竹西池館多紅藥日題詩舞袖前

挽黃平山次揭曼碩韻

半生書劔未淹遲奏賦明光紫  
棠岳西漢滿朝傷賈誼

南陽合郡愛宗資名書丹旒懸棺日  
餅啗紅綾賜食時曾得杏園陪末席  
淚流江浦月初離

送王叅政上京奏選二首

漢池細馬踏龍沙宰相朝天路不賒  
峽裏琴泉春作乳月中珠樹夜成花  
三千禮樂尊儒術百二山河壯帝家  
魚上禹門無點類直郎宣奏日當衙

千官吉日聽宣麻白髮文休臣帝汝嘉池鳳有毛皆

五色慈珠無樹不三花綠綵韶底書分兩紅錦囊中字

剪霞天路北盤三十六歸時秋月滿京華

贈內



幾年不到鹿門山，妻子相看亦強顏。  
桂樹有枝曾獨折，女蘿無蔓不同攀。  
仙人樓上騎黃鶴，野客籠中放白鷗。  
莫恨五湖波浪闊，鬢毛歸去未全斑。

陵州留別續總管

貨車同出鳳凰城，十日還同問水程。  
烟浦買魚寬客意，河梁分袂念交情。  
頤齋擬刻山陽石，召節重馳使者旌。  
我去淮南茅屋底，著書先記續庭名。

王道士慶壽堂

生男不必皆富貴，學道亦足傳其家。  
堂上日進青精飯，寒中曉發端桃花。  
放船過江槩蕩月，起屋對山門掩霞。

陶潛有子覓梨棗，小官折腰酒自賒。

畫海棠圖

石家五尺珊瑚樹，海國千房火齊珠。  
風雨春寒圍錦護，艷陽天煖倚闌扶。  
浣時應貯芙蓉水，香麝重熏翡翠爐。  
紅膩不隨蜂背蝕，粉勻終為蝶身敷。  
歲筵綵繡盤仙綬，襪積雲羅絡舞襦。  
青帝化成非幻有，杜陵吟老却知無。  
惟開每賴斜鸚鵡，吹落還因唱鷓鴣。  
曾見赤城花亞蕊，丹船比去不須圖。

送貢秀才還江東別業上壽

雅歌謦寫碧雲箋，共詒靈椿壽八千。  
天上飛光無短景，



人間上壽有長年看花曉鳩扶鳩杖漲水春池上鷁船  
秀髮疎々松並綠方瞳炯々漆爭玄諸郎玉雪庭前滿  
仲氏文章海內傳養老會逢親執爵逸書重喜誦亡篇  
琴囊紅感天吳錦宿榻青裁海艾毡太史占祥南極下  
宰官造命泰階前雲林舊業青山近白首江東願一廛

送胡震亨述檢

獵々雙弓騎氣張古來逢掖試穿楊清江鏡鑄芙蓉月  
綠酒遙開玳瑁堂稻熟萬勝初下水橋垂千樹已經霜  
藍袍包裹迎丞簿莫負尚書薦鸚章

送毛真人還山

朱提仙印碧霞裳賜履承恩自尚方雨洒石壇苔錦滑  
日穿油幌竹書光葉鳧此日還滄海漢鵠當年下建章  
琪樹萬叢枝萬本江南歸路水雲香

奏對興聖殿後

萬花簇錦寶簾垂化日舒々漏下遲馬酒金盤流沆瀣  
凌人玉井出琉璃侍臣橐筆皆鸞鳳御士橐弓盡虎羆  
他日滄州應夢想紫宸端御放朝時

贈都省掾金世用

丞相東曹漢省郎青雲布一作武近含光龍門千丈魚  
先上遼水三秋鴈作行伯仲瓊篔今又合季昆金玉古



猶光春鷓原畔多春草親令兒童禁牧羊

雜詠三首

百丈牽船汴上流清淮從古有三洲浮山堰逐降王去  
淝水波曰小謝收紅樹有霜還可騎白蘋無雨更宜舟  
平生自是多行役莫信吾家馬少游

濠梁無客更觀魚游子行過莫問書潮落沙痕鷗泛少  
風回雲影鴈行疎歸帆夜宿山前寺從索秋辭仗外車  
俯仰此身天地內滄洲重去帶經鋤

步出汀洲拾翠翎仙家幢節樹亭山  
齊蒼蔚籠沙鼓波瀉漣漪漾醪醕黃鶴來時天有日玄猿啼處夜無

舟行又過淮南國招隱詞高世莫聽

挽劉自謙

鯨海曾觀萬里塘青衫歸路髮蒼蒼江淹筆去文都盡  
度信名高宅已荒并斗鶚書何足論古今鵬一作賦更  
須傷都門酌酒皆兄弟目斷天南鴈幾行

送貢仲章學士

名山星使漢官儀原隍光華四牡馳光武不矜銅馬式  
玉褒先頌碧鷄祠江雲浮樹春船穩野雨鳴簷夜枕移  
白髮故人相憶苦可能千里寄梅枝

題李仲賓墨竹



石田學確萬琅玕天乞幽人寫素紈帝里未求吹鳳管  
溪翁先覓釣魚竿玉烟乍合春還煖書粉初飄露已溥  
聞道澗河單舸賤截篙樂去看江端

西山

鳳城西去玉泉頭楊柳堤長馬上游六月薰風吹別殿  
半天飛雨洒重樓山浮樹蓋連雲動露滴荷盤並水流  
艤岸龍舟能北望翠華來日正清秋

玄真觀借居

山光朝暮鳳池西襍被仙家共鶴栖且向竹林移坐具  
採得柿葉寫詩題宅門好傍神清洞書燭終燃太乙藜

昨夜玄壇星斗近步虛聲外望文奎

和問、宋宗師亭字韻

牡丹芍藥殿春後落花游絲非有牽南城道士五芝秀  
東郭先生雙履穿飲酒不醉客來惡看劍長吟我豈仙  
空山松桂石齒小芒鞋襪禳行兩天

試院雜題十首

雨霏微不作泥棘闌魚鱗待晨鷄銀袍影近花燈立  
絲戶光連粉署題霖霖已霑文運慶細縵猶覺化鈞齊  
端門三月黃金榜應有商霖應上奎

蓮炬銀臺墮蠟泥攪榆重席織文鷄計偕萬里人文趾



骨買千金馬月題省樹春回珠蕊亞御溝冰泮縵波齊  
臚傳名上多龍虎昨夕官占已報奎

詔鸞封濕武都泥賜食沙羊雜樹鷄黃道日中依觀闌  
紫微天近隔穰題麒麟總出千人賀鸞鷲初生五色齊  
聖主文明天下治澄々雲漢夾宸奎

一石黃涯半斛泥披沙新詔下金鷄校文眼溢尋詩句  
體國心勞選賦題須信楚材生六晉還知漢服出三齊  
太平有象文明盛帝主星垣望畫奎

春闈新雨透花泥學士聯詩擬鬪鷄驪裏龍媒來大宛  
狡狴獅子出雕題宮花壓帽牌金小官錦裁袍綬綠齊

葵燼三千方朔健天章爛熳象西奎

歌詩且莫到青泥好倩玉環頰碧鷄人去淮南愁米價  
鴈來江北問書題催花曉樹飄簾密滋麥春膏覆壠齊  
最喜泰階平在位衆星分次繞明奎

切玉昆刀似切泥還憐石鏡舞山鷄殿前將奏長楊賦  
橋上應留駟馬題合浦珠光秋月益豐城劍氣夜雲齊  
校文學士清華職疾舌尚書亦近奎

官曹連舍隔雲泥日下簷牙聽午鷄華表流蘇垂綬結  
承塵斗帳鏤銀題艷陽明處花開早社日來時燕到齊  
誰占少微江海上都將文氣應天奎



關門不用一丸泥  
席帽慚聞客舍鷄  
心枝五經無篋笥  
手書千牘有籤題  
馬來楊柳長橋曲  
缸去芙蓉斷岸齊  
明日杏園袍笏會  
紫薇垣外見重奎  
遊客春來醉若泥  
攝官一月伏鳩鷄  
連茵夜聽同年語  
寫紙朝分舉子題  
畫閣薰香金篆籥  
銀臺燒燭玉虫齊  
太官已俱息榮宴  
列宿重輝想坎奎

貢院再用鷄字韻

五雲畫省擣紅泥  
孔雀屏開吐綬鷄  
射策第高天上奏  
杼情詩好竹間題  
珠箔裏新名滿鸚鵡  
班前外仗齊  
禮樂縱橫千卷字  
人間白日降靈奎

石城縣尉

石城縣尉坐寒廳  
日有新詩寫後屏  
官小不騎沙苑馬  
書多空識楚江萍  
老矣東矢除階草  
佐吏休衙罷閣鈴  
兄弟幾年為我友  
何時同舍究殘經

陋巷

入巷無溝水不流  
庭坳積潦拍堦浮  
塵埃久隔陂塘淨  
雲霧新和竹樹幽  
泥坐知雙鶴喜  
滴行想萬人憂  
今年吳會多秔稻  
廊廟應須念有秋

張居士

手種梧桐斲素琴  
新聞墨洛寫來禽  
人間日見朱門別



江上年久碧草深勾漏丹砂漸自乞鹿門天子願同尋  
我今五十身多病翹首南雲望故林

送揚州方教授

煬帝宮前錦纜舟江都不是古揚州  
艇中鏡鑄芙蓉月橋上簫吹楊柳秋  
芹藻有歌來士子魚鹽無賦到田疇  
戴憑重席男兒事莫向淮南怨白頭

送四弟元學南歸

吳松江水是尋羨汝獨南歸不憶兄  
問訊泥塵騎馬出曾如簫鼓擢舟行  
潮通海浦鱸先到雨濕書芸蠹未生  
好葺鴨欄當宅後吾耒同汝醉春城

寄王繼學廉使

班超生入玉門關聖德如天遠賜還  
已有聲華通北斗又將詞賦動南山  
薇垣春滿露猶濕荔浦秋生月更彎  
京國故人星散去病來題字不能刪

寄簡西碧縣尹

桃源縣令無齋馬秋日吟詩江水頭  
錢少陸機猶賃屋才多王粲更登樓  
之官便是民如子趨府還知郡有侯  
襦袴歌謠今在路輶車徵聘侍宸旒

送薩天錫南歸

千里鍾陵路不途銀河可惜未通潮  
龍江擬去浮三翼



鴈嶺翻來給一軸愧有簡書煩遠使恨無詩句詠前朝  
清溪水漲荷花滿留水一作南牀再見格

題京師山堂

夫君家住五雲邊却愛青山近几筵養得池魚通鳳沼  
飛來宮鳥認鷗天風篔簹玉香飄粉雨石生苔錦作錢  
我亦江東借官舍烟霞堆裏屋三椽

送胡廣御史丑德

江漢清秋萬里天繡衣持斧正當年瀧溪舡上芙蓉水  
合浦珠還牡蠣田臺樹霜寒飛白簡庭蘭日暖護青毡  
百城官屬勞重閭自古難知即墨賢

喜小孫誦書

弋釣為生不負承江關詞賦屬徐陵舊傳仙訣能食玉  
新試官箴合飲冰坐上看雲秋渺々夢中聽雨夜澄々  
淮天七月猶多暑喜見兒孫學聚螢

光山縣尹孔凝道作縣有聲鄉人為圖

光山近在故山西樹滿江頭柏滿畦隣屋讀書相教授  
社祠醉酒共提携水牛礪角嫌耕少野繭抽絲喜價低  
春雨行田無後吏獨騎齋馬畏青泥

無題四首

尾潏銀竹曙翻江閣苑涼風滿石幢葛令寄來丹曰一



陶公歸去酒瓢雙梧桐寂寞陳公并薛荔扶疎玉女宮  
天畔帝車呼小鳳桂花流水夜涼

鶴城十二疊瑤光琪樹懸秋四面香蛺蝶染花生粉白  
坡瑤著酒煖金黃熏爐舊夢憑荀令燭釵閑吟屬沈郎  
南國鴈來書不至江樓誰為製荷裳

三湘瀟洒恨無潮烏鵲填河願有橋丹穴鳳來龍樹遠  
海門魚去蜃樓遠已知京地誇高髻不信章華鬪細腰  
舳尾橫江春水急長年無事醉吹簫

愛酒書生白髮垂  
鵝膠懶髓豈能醫  
漢宮鬪草端陽節  
唐殿穿針七夕時  
竹上蠟房真可買  
石間芝箭似難移

楊柳擬奏河東賦但乞君王酒一卮

次前韻

岷峨山下錦城江好買玄都翡翠幢竹種篔簹千萬竹  
鳥飛瀟瀟兩三雙銅龍漏下春生水金馬神來霧入窓  
花落天台招小隱胡麻飯熟石涼

切玉龍刀寶氣光  
袷羅半臂麝香荔枝囊  
密媽紫靈  
摘團金顆黃秦氏故俠更漢主石家小婦嫁孫郎  
江心誰鑄芙蓉鏡照見嫦娥織翠裳

錢塘八月水生潮  
印符千年竹架橋  
篔簹龍鬚天路近  
衣裁蟬翼清宮遙  
府中丞相魚無帶  
閩外將軍箭插腰



無柰黃金閣買賦雲間學得鳳凰簫

樂部韋娘舞小垂病來能召翰林醫嗔人書奏三千牘

勸客歌詩十二時金谷花枝隨雨盡石城江水逐潮移

世間若有神仙術西去瑤池醉酒危

大明殿進講畢侍宴得詩二首

勸講京闈咫尺天聖恩留侍大明筵東風律應軒轅樂

左箇陽關月令篇春動仗旗回綵暈日浮窓鎖炫華鮮

百珎水陸難名品回笑傳柑詫昔年

漢殿千門飾寶璫直郎先奏進經朝諸儒泥古言雖固

明主思賢道已昭飲酒敢同魚藻賦制詩真過栢梁朝

小臣竊筆詞堪側白日無翰邀赤霄

龍門

萬壑奔流一峽開君王歲歲御龍來人間塵土常相隔

天上星辰到此迴草木四時承午日風雲半夜束春雷

自慚曾奏長門賦駿馬傍徨念暴鯨

還過龍門

紫塞秋高鳳輦迴龍門有客去還來蕩摩日月崑崙坼

吐納風雲混沌開天帝有神司主宰地靈無力戴崔嵬

誰知石瀨成飛雨不使時人污酒杯

文苑英華卷之三



雲間酒旆揭高竿蒼翠烟霞屋下看一運似腸紫鳥道  
幾人如艇泛松瀾龍門有路天津濕劍閣無銘石骨寒  
便欲乘風凌倒景八公先到我劉安

次韻送上官伯圭二首

問闔風吹雨一作別州才華生世重前旒終軍閣右須  
乘傳王粲荆南不上樓黃鶴白雲鷓鴣夢金陵江水鳳  
凰遊東舡載雨瀟湘北柿葉題詩寄十洲

笛聲吹徹古梁州人自天南望宸流絲雨繁空黃篾舫

澗風清暑一作錦江樓武昌魚美三年引可爲文高萬

里一作急重來飽色快滄洲

次韻李行齋集賢二首

仙掌高承玉露和夜涼如水曉生波鴈門鉄騎橫秋出  
象郡金輿映日多月落無烏啼石樹天低有客泛星河  
玉京斗酒錢三百醉倚鰲峰歌

芙蓉藉甚著天門詩句年來與我論沙磧翳雲歌北塞  
稻畦分水夢東屯秋風八月欺茅屋夜雨三更注酒盃  
明日棄軋須繫馬翠華過處看承恩

寄姚叅政上都

南薰清暑上京居六月涼亭正好魚兩嶺火明山芍藥  
風田金動草一作早芙蓉甘泉曉仗臨前殿京兆秋塵



待屬車侍從文臣行不送舊寮偃蹇意何如

吊王儀伯左丞

生平不肯學時人死後如今毀譽真  
下惠獨全周士貴董生猶比漢儒醇  
中山舊宅詩書滿庚水荒阡草樹新  
身達位通心未遂傷哉誰識魯西麟

偶成二首

自愛屋南芳樹林十朝暑雨翠沉  
地清詎知無棲鳳烟合時復有鳴禽  
讀書草堂生曙彩望野古城留夕陰  
莫道楚鄉風物陋文章屈宋到如今  
出京不寄入京書淮水南邊有舊居  
官比馬曹過騎省

文回狗監愧相如西岩仙杏終來鳳  
東谷湯泉亦戲魚豈是高情能放逸  
山中蘿桂正扶疎

送宋頭夫南歸

琵琶溝址識君初藉甚才華二十餘  
欲賦兔園干孝邸不因狗監進相如  
滿湘路熟逢知己素柱天低望故居  
携幼歸來拜丘壟南遊莫戀武昌魚

加馮養上京

蒼龍對闕夾天關秋駕凌辰出國門  
十里緹緜騎驥裏一雙日月繡旗幡  
講苑獵較黃羊園賜宴恩沾白獸尊  
赫奕漢家人物咸馬卿有賦在文園



和袁伯長待制送袁伯生博士祠祭嶽鎮江河

后土一首

芙蓉仙掌坐中低后土宵光可齊棧路繞雲山有閣

蜀天常漏石無泥岐陽過馬應祠鳳陳寶停輪莫信鷄

使者才華似楊馬題詩應近草堂西

房闈歌兒翠黛推不禁夫婿陟崔嵬一春花好人相別

四月梅黃雨又來酒酌玉缸酣臉暈香消銀葉燼爐灰

祠官好致君王意蚤奉神休馬首回

賀王淡齋韻就為壽

雕鏡萬物巧無餘歲晚天教閉戶居鉅鹿無人問難字

南陽有子授仁書且隨野老籠沙帽莫遣山童借筍輿

淮上風流似西洛耆英今見此邦初

次吳真人梅花韻

羅浮庾嶺天荒瀆燕薊冰姿好寄身地勝不招金谷客

賦成重寫洛川神碧窓逗日蜀私照丹井呼泉續古春

草木有知應自喜白衣如我是山人

次玄德真人韻

岡巒四合偃長虹寶閣騫然上御風萬里山河開日月

九州茅土錫王公麒麟織罰年出驥裏馱金歲同

京國光陰清似水茶甌醒睡喚書室



寄贈揚州王鍊師

仙客吹笙踏月輪  
回遊淮海悞尋真  
松花擣月分貧士  
柿葉題詩寄遠人  
清水有潮留載酒  
春雲不雨取裁巾  
江都千樹隋宮柳  
曾見先生綵髮新

菊枕

東籬采菊枝  
霜包裹  
西風入夢涼  
半夜歸心三徑綠  
一作一囊秋色  
四屏香床頭  
未覺黃金盡  
鏡裏難教白  
髮長  
幾度醉來消  
不得卧收清氣入詩腸

琉璃簾

吳儂巧製玉玲瓏  
翡翠蝦鬚迥不同  
萬縷橫陳銀色界  
一塵不入水晶宮  
月華遠射離離白  
燈影斜穿細細紅  
相隔神仙絕咫尺  
靈犀一點若為通

野興

滄洲梅發月生波  
屋角寒藤半掛蘿  
孤石隱林真似馬  
亂雲渡水却如鷺  
步隨野老逢人少  
閑過隣家有酒多  
轉憶淮南粳稻熟  
夜歸衝雨借田蓑

馬石田文集卷第三



西

西

西



